

## G E N E S I S.

Tighearna, a' deanamh <sup>a</sup> cear-tais agus breitheanais; chum as gu'n d'thoir an Tighearn air Abraham an ni sin a labhair e m'a thimchioll.

20 Agus thubhairt an Tighearna, Do bhrì' gu bheil glaoth Shodoim agus Ghomorrai h mòr, agus do bhrì' gu bheil am peacadh air an-tromachadh gu h-anbarrach <sup>b</sup>;

21 Thèid mi sìos a nis, agus chi mi ma rinn iad gu léir <sup>c</sup> a réir a' ghlaoidh, a thàinig a'm' ionnfuidh; agus mar do rinn, bithidh fios agam.

22 Agus thionndaidh na daoine' an aghaidh as sin, agus ghabh iad an t-slighe gu Sodom: ach sheas Abraham fathaft 'an là-thair an Tighearna.

23 Agus thàinig Abraham am fagus <sup>d</sup>, agus thubhairt e, An sgrios thu fa mar an ceudna an t-ionracan <sup>e</sup> maille ris an aingidh <sup>f</sup>?

24 Ma's e's gu bheil leth-cheud ionracan 'an taobh a stigh do'n bhaile, an sgrios thu mar an ceudna, agus nach caomhain thu'n t-ait' air son an leth-cheud ionracan a ta ann.

25 Gu ma fada robh e uats' a dheanamh air an dòigh so, an t-ionracan a mharbhadh maille ris an aingidh, ionnas gu'm bi 'n t-ionracan mar an t-aingidh: Gu ma fada robh sin uatfa. Nach dean Breitheamh na talmhainn uile ceartas?

26 Agus thubhairt an Tighearna, Ma gheibh mi ann an Sodom leth-cheud ionracan 'an taobh a stigh do'n bhaile, 'an sin

caomhnaidh mi 'n t-ait' uile air an sgàth-san <sup>g</sup>.

27 Agus fhreagair Abraham, agus thubhairt e, Feuch a nis, ghabh mi orm féin labhairt re m' Thighearna <sup>h</sup>, agus gun annam ach duilach agus luaithre <sup>i</sup>.

28 Ma's e's gu'm bi cùig-ear <sup>k</sup> a dh'uireasbhuidh air an leth-cheud ionracan, an sgrios thu'm baile uile air son easbhuidh <sup>l</sup> chùigir? Agus thubhairt e, Cha sgrios mi <sup>e</sup>, ma gheibh mi'n sin cùig <sup>m</sup> agus dà fhichead.

29 Agus labhair e ris a ris, agus thubhairt e, Ma's e's gu'm faighear <sup>n</sup> 'an sin dà fhichead? Agus thubhairt e, Cha dean mi <sup>e</sup> air sgàth dhà fhichead.

30 Agus thubhairt e ris, Oh! na biodh fearg air mo Thighearna, agus labhraidh mi: Ma's e's gu'm faighear ann an sin deich 'ar fhichead? Agus thubhairt e, Cha dean mi <sup>e</sup>, ma gheibh mi 'n sin deich 'ar fhichead.

31 Agus thubhairt e, Feuch a nis, ghabh mi orm féin labhairt re m' Thighearna: Ma's e's gu'm faighear fichead 'an sin? Agus thubhairt e, Cha sgrios mi <sup>e</sup> air son fhichead.

32 Agus thubhairt e, Oh! na biodh fearg air mo Thighearna, agus labhraidh mi mhàin an aon uair so: Ma's e's gu'm faighear deichnear 'an sin? Agus thubhairt e, Cha sgrios mi <sup>e</sup> air sgàth dheichnear.

33 Agus dh'imich an Tighearna roimhe, 'nuair a sguir e do labhairt re h-Abraham: agus

<sup>a</sup> a dheanamh. <sup>b</sup> gu mòr. <sup>c</sup> d'a sìreadh. <sup>d</sup> am fagus. <sup>e</sup> am firean. <sup>f</sup> maille ris a'chiontach. <sup>g</sup> air an son-san. <sup>h</sup> ris an Tighearna. <sup>i</sup> luath. <sup>k</sup> cùigear, còigear. <sup>l</sup> dìth. <sup>m</sup> còig. <sup>n</sup> fuighear.